

40763



LAUDETUR JESUS CHRISTVS, AMEN.

CONFERENCE THEOLOGICO-MORALES DE CASIBUS CONSCIENTIÆ.

In Congregatione Cleri Decanatus Foranei,
propositæ & resolutæ.

40163

I 61

Q. I. An recipiat Gratiam, qui communicat cum mortali peccato ignorato?

Q. II. Adultus, qui baptizatur, non dolens de actualibus peccatis, an recipiat Gratiam?

SUMMARIUM.

1. Effectus Sacramentorum qui, & quot sint?
2. Gratia Divina quid sit, & quotuplex?
3. Gratiæ Sanctificantis Divisiones variæ.
4. Gratia alia 1^{ma}. alia 2^{da} datur in Sacramentis.
5. Gratia ex opere operato, vel ex opere operantis quid sit?
6. Gratiam 1^{am} an recipiat, qui Eucharistiam sumit cum peccato mortali ignorato?
7. Adultus de peccatis actualibus non dolens in Baptismo, an recipiat Gratiam?

EXplicandum necessariò venit. Qui, & quot sint effectus Sacramentorum? Communis responsio ex Theologorum & Canonistarum doctrina, eos esse tres. 1^{mo}. Gratiam sanctificantem ex opere operato: 2^{do} Characterē. 3^{to} Ornatum Animæ & auxilia quædam actualia ad obtinendum finem, in quem singula Sacramenta sunt à Christo

☼ ☼ ☼

Domino ordinata. *Primus effectus id est.* Gratia sanctificans est communis omnibus Sacramentis. *Ex Conc: Trident: Sess: 7. Can: 8.* Secundus nempe Character reperitur in tribus tantum. *videlicet.* In Baptismo. Confirmatione. & Ordine. *Tertius effectus est proprius omnium Sacramentorum.* *S. Thom: 3. p. q. 62. Scotus in 4. d. 1. q. 7. Gobat de Sacramentis tract: 1. Num: 279.*

- Ad primum effectum, adhuc explicare necesse est.
2. *Quid & quotuplex sit Gratia Divina?* Gratia Divina generalissime & in lata acceptione sumpta, significat omne bonum omneq; donum tam naturale quàm Spirituale, quod Deus hominibus largitur. *Card: de Laurea. de Gratia num: 6.* Gratia autem est in duplici differentia. *Una est.* quæ vocatur Gratia gratis data. *Altera* quæ dicitur Gratia sanctificans, seu gratum faciens. *ima est* liberalis Dei donatio donorum suorum ad utilitatem proximi, quæ quidem dona sunt novem descripta ab Apostolo 1. Cor: 12. *Sapientia, Scientia, Fides, Gratia Sanitatum, Operatio Virtutum, Prophetia, Discretio Spirituum, Genera linguarum, & Interpretatio sermonum.* Vocatur autem hæc Gratia à *S. Thoma. 12. q. 111. Art: 5.* inferior, & minùs digna, tum quia potest haberi, & non haberi, juxta Dei placitum: tum etiam quia reperitur aliquando in homine peccatore, ut in Iuda proditore, & in Balaam, *Card: de Laurea disp. 11. Nro 62.* quamvis rarò id eveniat.

- Gratiæ verò Sanctificantis, seu gratum facientis,* plures
3. sunt definitiones. Est quædam participata similitudo Divinæ naturæ. *S. Thomas q. 62. Art: 1.* Est auxilium, quò indiget homo ad beatitudinem consequendam. *Ex Polyanthea. Verbo Gratia.* Est habitus supernaturalis, infusus Animabus



nimabus nostris ex Dei dono, quo Ei reconciliamur, & ad suam amicitiam admittimur, ita ut inde formaliter sancti & iusti simus, ac secundum spem hæredes vitæ æternæ, vel qui iam iusti sunt & sancti, magis iusti & sancti efficiantur. *Reginaldus Lib: 26. Num: 43. Tandem ex Catechismo Rom: de Baptismi effectibus Sess: 50. Est Divina qualitas in Anima inhærens, ac veluti splendor quidam & lux, quæ Animarū nostrarum omnes maculas delet, ipsasque Animas pulchriores reddit. Quam definitionem exornando. Volpi Resol: 70. Num: 4. subdit. Gratiam hanc sanctificantem esse vitam Animæ: sicut enim corpus mortuum est sine Anima, ita homo vivus vita spirituali, cum habet hanc Gratiam: propterea est omnino necessaria ad salutem, quia sine ipsa impossibile est mereri vitam æternam. Concil: Trid: Sess: 6. Can. 1. 2. & 3. Porro Gratia primum faciens variè dividitur à Theologis Moralibus, & à Theologis speculativis. Hi docent Gratiam esse prævenientem, vel excitantem vel adjuvantem, vel cooperantem, vel subsequentem, vel medicinalem, & sanantem, vel sufficientem, vel efficacem, vel qua vel sine qua. S. Thomas in 12. q. 111. art: 2. & 3. Card: de Laurea. Opusc: 3. de Gratia: Cleric: Decis Sacr: 17. Tom. 1. Ubi sic declarant prædictas Divisiones.*

Præveniens. Gratia seu auxilium præveniens, qua Deus prævenit intellectum, & voluntatem humanam in ordine ad actus bonos & sanctos, illuminando intellectum ad cogitandum hic & nunc de illis; & inspirando voluntati, ut consentiat & exequatur.

Excitans. Est illa, quæ Animam quasi sopitam, &

☉ ☉ ☉

de bono non cogitantem excitat ad cogitandum & cupiendum tale bonum.

Adjuvans. Est illa quâ Deus hominem illuminatum præventum, excitatum, ac expergefatum adjuvat, ut exequi possit bonum illud, jam cognitum & inspiratum.

Cooperans. Solo nomine differt ab excitante, seu adjuvante; quia non est alia species ab eis distincta.

Subsequens. Est eadem cum adjuvante & solum differt in modo & duratione usque ad finem vitæ, ac operis.

Medicinalis. Seu sanans. Est eadem cum præveniente & adjuvante nec non cum efficaci, sed sic appellatur respectu diversi modi, & ab effectu medendi, seu sanandi.

Sufficiens. Illa dicitur, per quam potest homo piis actionibus, & bonis operibus salutem suam procurare & consequi, & quam Deus nulli, habenti rationis usum denegat, sed ei Gratia restituitur, & non obsequitur, effectus salutis.

Gratia efficax. Est illa, quæ opus bonum sive Præcepti, sive Consilii, à Deo inspiratum connexum habet. Et hanc non omnes Fideles ex justo Dei judicio obtinent. Sciri autem non potest, nec de hac re sciscitari expedit, cur Deus non det singulis hominibus hanc Gratiâ efficacem: sed certum est, Ejus Divinam Bonitatem esse justissimam, & ab acceptione personarum vel iniquitate alienissimam. Ideo exclamare oportet cum Apostolo. *Rom. II. O Altitudo Divitiarum, Sapientiæ & scientiæ Dei! quam incomprehensibilia sunt judicia ejus.* *

Gratia

* Aut respondere cum S. Augustino Tract. 26. in Joan: ubi inquit. Quare hunc trahat, & alium non trahat, noli velle judicare, si non vis errare.

☼ ☼ ☼

Gratia qua, & sine qua non, dicitur prout convenit, vel adversatur efficaci, & non differt specie, sed in modo. Ut subtiliter explicat. *Card: de Laurea l. c.*

Theologi autem morales Divinam Gratiam in relatione ad Sacramenta dividunt. in PRIMAM & SECUNDAM. 4.

Gratia ima est, quæ datur existenti in statu originalis peccati, vel actualis mortalis per Baptismum, quando adultus baptizatur, vel peccatori baptizato attritionem tantum habenti & confitenti per Sacramentum Pœnitentiæ.

Gratia secunda dicitur, quæ datur iam existenti in Statu Gratiæ, facta additione novi gradus ejusdem Gratiæ ad priorem jam habitum.

Tandem eadem Gratia Sacramentalis alia dicitur. *Ex opere operato*. quæ procedit ex virtute Sacramenti suscepti, & meritis operatis Christi. Alia *Ex opere operantis*. quæ meretur ex devotione & dispositione suscipientis. His præmissis. Quia peccatum mortale impedit assecutionem Gratiæ, & hæc stare non potest simul cum peccato. Resolvendus est casus sequens. *Timotheus accedit ad Sacram Eucharistiam cum peccato mortali, cujus tamen non recordatur, & de quo nunquam habuit contritionem. Queritur an recipiat Gratiam virtute Sacramenti Eucharistiæ? Resp: Affirmativè.* Supposito quod ipse Timotheus diligentem suæ conscientiæ examinationem præmiserit. Quia & si proprium sit solius Baptismi, & Pœnitentiæ causare imam gratiam; illa enim dicuntur Sacramenta mortuorum: at verò Eucharistiæ aliorumque Sacramentorum, quæ vivorum appellantur, causare gratiam 2dam, seu augmentum gratiæ imæ, nihilominus in proposito casu Eucharistia habet virtutem causandi etiam gratiam imam non per se, sed per

☉ ☉ ☉

per accidens ea ratione: quia Timotheus suscipiens Eucharistiam cum peccato ignorato invincibiliter, non suscipit indignè, dignitas enim requisita ad suscipiendam Eucharistiam est dignitas humanò modò cognoscibilis: aliòquin deberet expectari revelatio Divina de dignitate summentis. Ergo sic sumendo recipit gratiam Sacramenti, quæ semper datur non ponenti obicem, quem non ponit Timotheus ob totalem oblivionem peccati. *Ita ex S. Thoma 3. p. q. 79. Art. 3. Cler: Decis: Sacram: f. 25. tom: 1.*

Ad 2dum casum. Adultus de peccatis actualibus non
7. dolens in Baptismo, an recipiat gratiam?

Respondent Theologi, resolutionem hujus casus pendere ab illa quæstione: An Sacramentum susceptum cum fictione, recedente fictione producat gratiam, & peccata remittat? Prætermisiss aliis duo sunt prænotanda. *Unum* quòd triplex potest esse fictio in suscipiente Baptismum. *Intentionis.* Fidei. Et voluntatis. *1mò.* Si vidigatur ad ipsum, nolens omnino baptizari: & in hoc casu Baptisma non solum est informe, id est non formatum gratiâ, sed invalidum. *2dò.* Quando non credit essentiali Baptismi; sed illum recipit ut naturalem & simplicem balneationem tantum, & in hoc pariter casu Solum recipit effectum Sacramenti, neq; Characterem. *3tio.* *Voluntatis.* Quando non est benè dispositus, quia habens peccata, eorum ipsum non pænitet, *Alterum* prænotandum est, quòd in tali fictione voluntatis peccata vel præcedunt Baptismum, vel committuntur in ductu receptionis Baptismi, vel post susceptum Baptismum: peccata in receptione Baptismi vel post Baptismum, commissas non delentur, & per consequens non acquiritur gratia nisi



nisi per contritionem veram cum proposito confitendi; vel cum attritione, & actuali Confessione Sacramentali simul. Et distingvendum est. Vel baptizandus adultus non habuit attritionem de peccatis suis ex ignorantia invincibili, quia vel non fuit instructus & monitus, vel credidit se esse attritum, & non erat. Et in hoc casu, quotiescunq; post Baptismum elicit actum attritionis removebitur obex, & recipiet gratiam Sacramenti. Vel culpabiliter non fuit detestatus peccata sua, & tunc ad obtinendam gratiam, & removendum obicem necessaria est attritio cum actuali Confessione, vel contritio cum proposito confitendi. *Ita Diana Coordin. tom. I. tract: I. resol: 26. Cleric: l. c.*

Quare casus noster resolvitur dicendo, gratiam recipi ab adulto baptizato qui non doluit de suis peccatis, tunc, & quando elicit actum attritionis, si absq; culpa non doluit in Baptismo. At necessariam esse contritionem. vel attritionem cum Confessione, ut gratiam recipiat, si culpabilis fuit omitendo actus attritionis necessarix in Baptismo. *Ita DD. supra cit:*

Defendentur in Congregatione Cleri Decanatus Foranei Andreovien: Diæcesis Crac: die 8. Mensis Junij Anno 1761. In Ecclesia Parochiali Andreovien: celebrata, sub præsentia Decani Loci. Objectis satisfaciente A. R. Ignatio Kotowski Præbend: Iemielen.

M E M O R I A L E.

Sacerdotes Domini incensum, & panes offerunt Deo & ideo sancti erunt Deo suo, & non polluent nomen Ejus. *Lev. 21.*

Sacerdotes sine macula voluntatem habentes in lege Domini. *1. Machab: 4.* Sum-



Summum studium in eo ponat Parochus, ut tam ipse
 SSimum SACRAMENTUM quâ decet reverentiâ debitoq;
 cultu latriæ tractet, tum populus religione colat; Devoti-
 onemq; in fideli populo erga hoc AUGUSTISSIMUM SA-
 CRAMENTUM excitari curet, eximiamq; in nos chari-
 tatem Dei explicet. Etenim *nulla est natio tam grandis,*
quæ habeat Deos appropinquantés sibi, sicut Deus noster adest
nobis Deut: 24. 2dò Frequenter prædicet, quàm pium &
 meritotium sit hoc opus, in quo fulget fides nostra, mens
 impletur gratiâ, & futuræ gloriæ nobis pignus datur. 3tio
 Certos faciat populos de Dei beneficentia in eos, qui ve-
 nerantur Christum Dominum verè & realiter in Eucharis-
 tia existentem, & hujus rei exempla depromat ex Autho-
 ribus Ecclesiasticis. E contra enarret punitiones & vindi-
 ctas in eos, qui indevoti fuere erga Divinissimum hoc
Sacramentum. 4to. Enuntiet impias derisiones tum Judæ-
 orum tum hæreticorum, quorum perfidiam supplere de-
 bet pietas & devotio fidelis populi. 5to Proponet unicuiq;
 Fidelium in extremo vitæ Christum Dominum non esse
 permissurum, ut absq; Divino Viatico ex hac vita dece-
 dat ille, qui fuerit sollicitus in promovendo cultu SSimi
Sacramenti. Ex hoc memoriali solliciti sitis Fratres, o-
 mnia fiant secundum ordinem, ut omnia sint munda, &
 pretiosa, quæ sunt Altaris SSimi Sacramenti, & erga Divi-
 nissimum hoc Altare liberales in decorem & ornamentum,
 ut nostrò exemplò populi discant Redemptorem nostrum
 in Sacramento corde & opere revereri & venerari.

Gratia Domini Nostri Jesu Christi cum Spiritu vestro Fra-
tres, Amen. Ad Gal: 6.



